


Dienelkander



Nuusbrief van die Gereformeerde Kerk Potchefstroom-Oos

23 Augustus 2020

Woordverkondiging op Gereformeerde Kerk
Potchefstroom-Oos Facebookblad en
YouTube kanaal.

09:30 OGGENDEREDIENS IN KERKGEBOU: Ds. Piet

Die doop word vanoggend tydens 'n erediens (volgens die COVID-19 maatreëls – net familie en uitgenooide lidmate woon die diens by) bedien aan Liné van Vuuren, dogtertjie van Willie en Mariette van Vuuren. Sy is reeds in Februarie gebore. Baie geluk en baie welkom aan vriende en familie wat vanoggend saam in die erediens is.

Die Bybelgenootskap van SA vier vandag sy 200 ste bestaansjaar. In die lig daarvan en in die lig van die belang van die Woord in die Verbond tussen God en mens, rig ons vanoggend die Woordverkondiging op die Bybel as God se Woord.

Tema: Die Bybel is God se Woord. Luister alleen na Hom want Hy gee jou die volle en ware lewe.

Lofsang met die oog op die erediens

Lied 255: 1, 2, 3

Ontmoetingsdiens

Intreelied Ps. 119-1: 7; Votum; Seën; Loflied Ps. 33-1: 1, 2, 6; Geloofsbelydenis: NGB artikel 7;

Verootmoedigingsdiens

Wetlesing: Fokus op die Tweede gebod - HK
Sondag 35; Sing Ps. 19-1: 4, 6; Gebed;

Sakramentbediening

Doopformulier; Bediening van die doop; Sing
Ps. 105-1: 5;

Woorddiens

Skriflesing: 2 Timoteus 3: 1 - 4: 5;
Teks: 2 Tim. 3: 14 – 17;
Sing Ps. 119-2: 18, 19; Woordverkondiging;

Antwoorddiens

Sing Ps. 1-2: 2; Liefdegawes; Gebed vir
Bediening na Buite (Bybelvertaling); Sing
Ps. 119-2: 26, 27; Seën; Amenlied Sb13-2.

OGGEND UITSAIDIENS: Teologiese Student Erasmus Venter

Erasmus lewer vanoggend 'n eksamenpreek vir die Teologiese Skool Potchefstroom en ons vertrou dat dit baie goed met hom sal gaan. Lidmate wat - soos gebruikelik - graag opbouende terugvoer vir hom wil gee, kan hom skakel op 076 090 4459. Ouderlinge kan hulle skriftelike kommentaar vir Erasmus stuur na eav.venter@gmail.com.

TEMA: Die Here se wil is goed, laat ons dit sonder teëpraat gehoorsaam.

Vanuit die Heidelbergse Kategismus en Jona 1 word ons vanoggend herinner dat die Here se wil is alleen en volledig goed. Daarom moet ons dit uitleef sonder om teë te praai. Sodat ons soos die engele kan volhard in sy wil, nie net alleenlik in die groot etiese kwessies van die lewe nie, maar in ons dag tot dag bestaan.

Vooraf sang

Ps 146-1: 1 en 8

Ontmoetingsdiens

Votum: "Mag wat ek sê en wat ek dink, tog vir u aanneemlik wees, Here my Rots en my verlossing." (Ps.19:15 en Ps. 124:8); Seënbede; Lofpsalm: Ps 33-2:1 en 3; Geloofsbelydenis: Apostoliese Geloofsbelydenis; Sing: Sb 12-3: 1,

Verootmoedigingsdiens

Wet: Matteus 22: 34 – 40 en sing: Ps 119-2: 1 en 3

Woorddiens

Gebed; Skriflesing: Jona 1: 1 – 16; Fokusverse: Jona 1: 1 – 3 (1983) Sondagsafdeling: Sondag 49, V&A 124: Die derde bede; Woordverkondiging

Antwoorddiens

Gebed; Sing: Lied 200: 1 en 3; Seënbede: (Numeri 6:24 – 26)

MEELEWING

- Ds Piet (Groep 25 - 082 779 1237) se moeder het die Coronavirus opgedoen in die tehuis waarin versorg word in Barkly-Oos en is baie ernstig siek.
- SJ Jansen van Rensburg (Groep 34 - 072 132 5544) se moeder is baie ernstig beseer in 'n motorongeluk.

Ons bid dat die Here beterskap, herstel, bemoediging en troos sal gee.

BAIE GELUK

Oom Ab en tannie Kinnie Yssel is op 25 Augustus, 64 jaar getroud! Julle is 'n pragtige voorbeeld vir ons almal!

ONS GROET

Elize vd Schyff wat met attestaat vertrek na GK Mosselbaai.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEWID

Bert Floor, Isak vd Walt, Magdaleen Venter, Koos Jooste, Lana Labuschagne en Annette Coetsee.

ONDERSTEUNING VIR SIEKES

Vir ondersteuning of besoeke kontak u ouderling of Adele (018 290 7690 / 082 532 8658) om die nodige reëlings te tref.

KATKISASIE LESPROGRAM

Hierdie naweek moet ouers en kinders asb. **Les 17** doen, vir volgende naweek doen ons Les 18.



PROGRAM VAN DIE WEEK

Vandag op Facebook en YouTube

09:30 Opname van oggenddiens en doop in die kerk (word om 18:00 uitgesaai as aanddiens)

09:30 Uitsaaidiens: Student E Venter

Saterdag

08:00 Kersmark: Finale keuring

VERJAARSDAE

Baie geluk aan almal wat DV hierdie week verjaar!



Sondag, 23 Augustus

Sr Elmien Rood

076 319 5341

Br Harmen Wijnberg

082 774 6267

Woensdag, 26 Augustus

Sr Estette Bredenkamp (71) 082 865 4381

Donderdag, 27 Augustus

Sr Stephanie Bredenhann 082 257 1350

Br Hendrico v Rooyen 081 314 3540

Sr Meisie v Wyk (75) 082 491 2922

Br Marius Vermeulen 079 876 2993

Vrydag, 28 Augustus

Sr Annari Schutte 082 868 9739

Saterdag, 29 Augustus

Br Bert Floor (97)

DIAKONIE: OPSOEK NA WERK

Een van ons lidmate is dringend opsoek na werk. Sy is baie sterk in enige administratiewe werk. Kontak haar gerus vir 'n CV: Yorinda vd Berg - 062 062 8755.

DIE BYBELGENOOTSAP VAN SA IS VANDAG 200 JAAR OUD!

Die Bybelgenootskap van SA vier vandag hulle 200 ste verjaarsdag! Ons dank die Here vir 'n genootskap wat baie nou en toegewyd saam met die kerke werk aan die vertaling van Bybels en die uitgee van Bybels in Suid-Afrika.

Met die oog op hulle 200 ste bestaanjaar, het hulle 'n **2 Miljoen Bybel-projek begin:**

Doel

Om, bykomend tot ons algehele jaarlikse Bybelverspreiding, twee miljoen Bybels en twee miljoen stalle Bybelgebaseerde geletterdheidsboekies beskikbaar te maak as deel van ons tweede eeufeesviering in 2020. Dit sal help om Bybelarmoede en die geletterdheidsbehoefte in ons land aan te spreek.

Agtergrond

- Onlangse navorsing toon dat sowat 23 miljoen Bybels in Suid-Afrika benodig word.
- Baie huishoudings het dalk net een Bybel en benodig meer vir ander gesinslede. In

Suid-Afrika, het 5% van Christenhuishoudings glad nie 'n Bybel nie.

- Werkloosheid is wêreldwyd 'n sosio-ekonomiese probleem. Dit is ook in Suid-Afrika 'n groot uitdaging, met die nasionale werkloosheidsyfer van 29,1%. In sekere gemeenskappe is dit so hoog as 60%. Suid-Afrika is onder die top 20 lande in die wêreld met die hoogste werkloosheidsyfer.
- Basiese onderrig in Suid-Afrika skiet ver tekort. 'n Onlangse studie het getoon dat Suid-Afrika 'n massiewe geletterheidsprobleem in die gesig staar. Die studie het bevind dat vier uit vyf graad 4-leerders se leesvermoë is laer as die internasionale aanvaarbare standaard.

Verwagte impak

- Die Bybel word in die hande geplaas van mense wat dit broodnodig het, maar wat dit nie kan bekostig nie.
- Die krag van die Woord van God sal hoop en versekering bring op 'n beter toekoms.
- Terwyl kinders, waarvan sommige uit minder bevoorregte huise, die nodige lees- en skryfvaardighede bemeester, sal hulle ook op 'n vroeë ouderdom van Jesus en die Bybel hoor.
- Baie kinders wat die geletterdheidsboekies ontvang, kom uit gesinne waar die ouers ook nie kan lees nie. Die kinders sal die boekies huis toe neem en moontlik die ouers leer lees.

Hoe kan jy help?

R200 000 000 word benodig vir die befondsing van hierdie projek wat tot Oktober 2021 duur. Elke R100 wat ontvang word, sal die verspreiding van een Bybel en 'n stel

Bybelgebaseerde geletterdheidsboekies moontlik maak.



Maak 'n verskil. Word 'n saaiër van hoop.

DIREKTE INBETALING

Bank: ABSA

Rekeningnommer: 260 208 950

Takkode: 632-005

*** Gebruik asb verwysingsnommer: 2020**

KOLLEKTES

Wat beteken die woord kollekte?

Dit is 'n versameling (van die Latynse: colligere "versamel") – 'n versameling van geld vir godsdienstige of liefdadigheidsdoeleindes, bv soos die insameling tydens of na 'n erediens in die Christelike kerk.

Wat beteken die kollektes in die erediens?

By die kollekte in/onder die erediens gaan dit in die eerste plek om diens aan die Here. Lees Markus 12:41-44 (die arm weduwee se gawe) en ook 2 Kor 8:1-9 (Christelike vrygewigheid). Kollektes word gebruik vir die diakonie se barmhartigheidswerk. By die deure word die kollektes ingesamel en aangewend om die koninkrykswerk in die breë kerkverband te ondersteun.

Wie bepaal die kollektes?

Vir baie jare het Sinode op Sinode verskillende verpligte en ook vrywillige kollektes vasgestel vir 'n drie jaar termyn. Kollektes word deur die verskillende Deputategroepe aanbeveel en deur die Sinode goedgekeur sodat Deputategroepe hulle opdragte kan uitvoer soos deur die

Sinode aan hulle opgedra. Die keuse van kollektes is dus 'n keuse waarby alle gemeentes direkte inspraak het.

Verpligte kollektes

Emeritaatsversorging (7)

Om die emerituspredikante, -weduwees en wese (afhanklikes) van die Gereformeerde Kerke met lewensonderhoud en mediese bystand eervol te help versorg.

Teologiese Studentekas (5)

Om studente wat aan die Teologiese Skool te Potchefstroom studeer, finansiëel met beurse te help sodat die Gereformeerde leer uitgebou en verkondig kan word.

GKSA Sustentasiefonds (5)

Om kerke wat nie finansiëel onafhanklik kan bestaan nie by te staan sodat die Woordverkondiging steeds daar kan voortgaan en om hulp te gee sodat die koninkryk van God deur Woordverkondiging kan uitbrei.

Bybelverspreiding (Borg 'n Bybel) (1)

Om die Bybelgenootskap van SA by te staan met die druk en verspreiding van Bybels.

Kerklike Tydskrifte (1)

Om aktuele artikels met 'n Gereformeerde grondslag te publiseer en na lidmate en ander belangstellendes teen 'n billike prys te versprei. Kerklike Tydskrifte sluit in Die Kerkblad, die Gereformeerde Vroueblad en die Slingervel.

Ekumenisiteit Buitelands (1)

Om skakeling met ander Gereformeerde Kerke met wie die GKSA noue bande in die buiteland het, te bevorder, bv kerke in Europa, Australië en die Amerikas.

Jeugsorg (1)

Ter bevordering van deputate Jeugsorg se projekte.

Dankbaarheidsfonds (1)

Om dankbaarheid teenoor die Here te betoon dat Hy die Gereformeerde Kerke 150 jaar bewaar het en nog steeds bewaar en versorg. Die opbrengs word as 'n addisionele inspuiting bestem om die Emeritaatversorgingstrust te versterk, kerke wat nie voldoende finansiële middele het nie,

te help en historiese geboue van die GKSA in stand te hou. Die kollekte ingesamel word teen die naaste Sondag aan 11 Februarie (stigingsdatum van die GKSA).

Thusofonds (2)

Om die emeriti uit die jonger kerke (voormalige Sinode Middellande en Klassis Capricorn) te help versorg.

Expando (1)

Om 'n sentrum vir bedieningstoerusting en begeleiding onder die toesig van die Kuratore en in samewerking met Fakulteit Teologie te vestig.

Vrywillige kollektes

Bystandsfonds vir Diakonie, KO, art. 25 (1)

Om predikante wat uit die bediening is (of afgesette predikante) en in nood verkeer te help.

Om boeke vir studiedoeleindes en naslaanwerke by die Jan Lion Cachet-biblioteek van die Teologiese Skool van Potchefstroom aan te koop.

TSP Publikasiesfonds (1)

Om die publikasie van akademiese boeke vir die opleiding van teologiese studente en vir die bekendstelling van die Gereformeerde leer plaaslik en in die buiteland te steun.

Instituut vir Christelike onderwys [ICO] / lesmateriaal (1)

Bevordering onafhanklike Gereformeerde skole en onderwys.

Ekumenisiteit – Gereformeerde bediening in London (1) (slegs 1 jaar)

Om die Gereformeerde jeug wat in London verkeer met Woordbediening en pastorale hulp by te staan.

Kerklike Tydskrifte (1) (soos nodig)

Om aktuele artikels met 'n Gereformeerde grondslag te publiseer en na lidmate en ander belangstellendes teen 'n billike prys te versprei.

Teologiese behuising (1)

Hulp aan teologiese studente.

Ander kollektes

Op die jaarprogram van kerke verskyn daar ook nog ander kollektes, bv 'n kollekte aan die

Transoranje Instituut vir Buitengewone Onderwys of vir ander liefdadigheidsorganisasies in 3 jou gemeente se grense – kyk 'n bietjie watter ander kollektes buiten die wat hier genoem word samel jou gemeente in.

Wie samel die kollektes in?

Dit vorm deel van die amp van die diakens. Lees die formulier van die bevestiging van diakens.

Hoe gaan ek weet watter kollekte Sondag ingesamel word?

Dit word aanbeveel dat die doel van die kollektes elke Sondag volledig afgekondig word. Dit sal verder baie nuttig wees as die kollektes wat op 'n bepaalde Sondag opgeneem gaan word, reeds die vorige Sondag afgekondig word, of in die gemeente se nuusbriewe gepubliseer word. Volledige bekendmaking en voorafbekendmaking werk mee om lidmate te motiveer om mede-eienaarskap te neem/aanvaar vir 'n bepaalde saak waarin elkeen geleentheid kry om deel te voel van die betrokke saak.

Wat gebeur met die kollekte nadat dit ingesamel is?

Alle verpligte en vrywillige kollektes word na dit ingesamel is deur die diakens getel en daarna aan die Administratiewe Buro in Potchefstroom oorbetal waar dit aangewend word vir die doel waarvoor die kollekte ingesamel word.

ADMIN BURO:

ELEKTRONIESE REKENINGE

Hiermee 'n vriendelike versoek dat intekenare van die GKSA se kerklike tydskrifte asseblief hulle e-posadres moet aanstuur na lois@gksa.co.za of tydskrifte@gksa.co.za

Omdat rekeninge maandeliks uitgestuur word, sal dit minder tydrowend wees indien ons die rekeninge kan e-pos.

Voorletters en Van
Rekeningnommer
[Kerkblad/Vroueblad/Slingervel]:
E-posadres:

ALGEMENE INLIGTING:

WOW-HERWINNINGSPROJEK (WEN ONS WêRELD)

Maak gerus weer gebruik van ons herwinningshok in kantoor-ure of kry by Adele die elektroniese hek se kode om self toegang tot die terrein te kry.

LIEFDEGAWES VIR BARMHARTIGHEID (DIAKONIE)

ZAPPER (Selfoon toepassing)
Hierdie QR-simboolkode is gekoppel aan die Diakonie se rekening en slegs bydraes vir Barmhartigheid kan daarmee gemaak word - geen ander betalings aan die Diakonie of kerkraad nie.



KOLLEKTES VIR KERKVERBAND

Al die gemeentes in die kerkverband dra ook kollektes af vir besondere behoeftes in die kerke. Vandag se kollektes is vir **ons eie Diakonie..**

SOSIALE MEDIA VIR ONS GEMEENTE

WhatsApp: GK Potch-Oos nommer:
067 713 2332

Webblad: www.oosdoppers.co.za

Facebook: www.facebook.com/oosdoppers

Videos van elke erediens kan hier gesien word: Facebookblad: Geref Kerk Potch-Oos
Videos van preke by: <http://ow.ly/ivfZ309vsdc>

Ds. Piet stuur weekliks sy preke per e-pos uit.
Laat weet hom indien jy dit wil ontvang.

KONTAKBESONDERHEDE:

PREDIKANT, HULPDIENS, KANTOOR EN KOSTER

Ds. Piet: 018 290 5635 / 082 779 1237

Hulpdiens: Ds. Pieter vd Walt - 082 851 3637

Erasmus Venter - 072 154 9410

Kerkkantoor: Adele - 018 290 7690 /

082 532 8658

kerkkantoor@oosdoppers.co.za

Koster: Dawie v Zyl - 082 774 7936

BANKBESONDERHEDE

Geref. Kerk Potchefstroom-Oos

ABSA Bank

Tjekrek: 670 340 066

Takkode: 632-005

Diakonie

ABSA Bank

Tjekrek: 670 280 160

Takkode: 632-005

Susters

Capitec Bank

Spaarrek: 145 652 5695

Takkode: 470-010



SUSTERS IN DIE GELOOF

Intimiteit met God

Laat my gebed soos reukwerk voor U aangesig staan, die opheffing van my hande soos die aandoffer.

Psalm 141:2

Sustersbydrae



Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelingsgeleenthede geïen word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

Dankie vir die susters wat op gereelde basis 'n bydrae vir hierdie werk gee.

Blikkies-warmharte



*Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproewing gaan. **Baie dankie vir julle getroue bydraes!***

Maak gerus steeds vir ons kleingeld bymekaar in enige blikkie / sakkie tot jou beskikking.

Kansa-projek



Liewe suster, soos jy reeds weet ondersteun ons gemeente jaarliks vir KANSA. Ons wil steeds hierdie jaar probeer om hulle te ondersteun. Indien jy, familie of vriende tot hierdie projek wil bydra kan jy gerus jou donasie aan die kerk oorbetaal met verwysing "KANSA" sodat ons weet om die geld aan hulle oor te betaal.



Oosdoppertjies

Sagaria 2:8 B "Wie aan julle vat, vat aan my oogappel."

NUUS UIT DIE BYBELKOERANT

WEGGELOOPTE SLAAF KEER TERUG NA BAAS; VRYGESTEL

KOLOSSE. - 'n Bekende handelaar van die stad het gister die ongewone ding gedoen om 'n slaaf wat hom net ellende besorg het, sonder enige vergoeding vry te stel.

Die handelaar, Filemon en sy vrou, Affia, het gisteroggend afskeid van hulle eertydse slaaf, Onesimus, geneem. Hy het na Rome vertrek om 'n ou vriend van die familie, die evangelis-sendeling Paulus van Tarsus, by te staan.

Onesimus, 'n deugniet volgens sy eie erkenning, het etlike maande gelede spoorloos verdwyn en verlede week net so onverwags weer sy opwagting gemaak by die huis van Filemon. Hy het 'n brief by hom gehad waarin Paulus Filemon versoek om Onesimus as slaaf terug te neem, aangesien hy onder sy arbeid tot bekering gekom het en nou 'n volgeling van Jesus Christus is. Filemon, 'n bekende in kerklike kringe hier, het self ook sy bekering aan Paulus se arbeid te danke.

Klaarblyklik moes die brief heelwat gewig gedra het. Filemon het Onesimus onvoorwaardelik teruggeneem en gister, 'n week later, hom vrygestel. Op die afskeidsdinee, het Filemon gesê hy glo Paulus het Onesimus nodiger as wat hy, wat Filemon is, die slaaf het. "Buitendien, ek het in die afgelope paar maande geleer om sonder hom klaar te kom," het hy met 'n knipoo bygevoeg.

Die gelukkige oudslaaf wou nie veel oor sy toekoms uitwy nie. Hy gaan hom so gou moontlik by sy geestelike vader, Paulus, in Rome aansluit. "Wat verder op my pad lê, is in die Here se hand. Maar ek hoop ek kan nog eendag terugkom na my eertydse meester. Ek dink ek skuld dit vir hom," het hy gesê.

Lees hiervan in die brief aan Filemon.



HET JY GEWEET? PRETFEITE OOR TROETELDIERE: HONDE

- Sweet net aan die onderkant van hul pote.
- Kan ongeveer 100 gesigsuitdrukkings maak - meeste daarvan met hul ore.
- Honde lek hul neuse om hul lyf se temperatuur te beheer.

